

事物異名錄

事物異名錄卷九

慈谿 厲靜菴先生荃 原輯

仁和 關晉軒先生槐 增纂

品術部

狀元

第一人 東齊遺事蔡齊及第第一詔自今第一人及第令給七人當直許出入則兩對引喝傳呼

龍首 詩話宋朝狀元人相者呂蒙正王曾李迪宋庠石揚休詩曰皇朝四十三龍首身列黃扉止四人

大魁 老學菴筆記大聖初宋元憲公在場屋夢大魁天下故喜四方舉人集京師當入見宋公偶爲衆人

之首禮部因奏舉人宋祁等公惡之以爲夢徵止此  
矣後卒爲大魁

廷魁 揮塵錄本朝狀元登席者呂文穆王文正李文  
定宋元憲止四人後李士美何文纘亦以廷魁至鼎  
席

殿元 楊維禎詩老娥本是南州女私喜南人擢殿元  
進士

白衣卿相 通典進士科始於隋盛於唐其推重謂之  
白衣卿相以白衣之士卽卿相之資也又摭言作白  
衣公卿亦曰一品白衫

新郎君 摭言新進士綴行而出遊園師使數十人前

導曰迴避新郎君

天子門生 禪塵前錄馬巨濟語客曰凡省闈解送則有主文故所取士得以稱門生殿試蓋天子自爲座主豈可復稱門生於他人臨軒親試故謂之天子門生

聞人 國史補進士爲尙久矣由此出者終身爲聞人一第溷子 山堂肆考人才登高第者曰一第溷子

舉人

解頭 文獻通考長興四年取諸科解頭一人就列

元解

孝廉 周禮鄉大夫興賢者能者註興賢者謂若今舉孝廉興能者謂若今舉茂才按今謂舉人爲孝廉本

此

覓舉 唐書薛登傳俗號舉人皆曰覓舉覓舉者自求也非彼知之義

麻衣鬼 清異錄行脚僧驚舉子驢曰麻衣鬼

白袍子 正字通唐士子入試皆着白衣故有白袍子何太紛紛之語

鄉進士 正字通各省直鄉試中式曰鄉進士

貢生

歲進士 正字通歲貢曰歲進士

秀才

青衿子 詩傳青青子衿刺學校也註青衿學士服陳

子昂詩勿使青衿子嗟爾白頭翁

茂才 野客叢書光武諱秀以秀才爲茂才

弟子員 山堂肆考朱文公任同安簿兼學事選邑之  
秀民充弟子員按弟子員卽學生也

措大 唐開元記葉法善居元真觀忽有一美措大傲  
睨直入稱鞠秀才

士人

傳遽臣 禮記士曰傳遽之臣

居子 山堂肆考未出仕者曰居子

居士 輟耕錄居士云者處士之類是也

處子 東軒補亡詩堂堂處子註處子處士也

文人

史匠 王充論衡能雕琢文謂之史匠

詩人

騷人 正字通屈原作離騷言遭憂也今謂詩人爲騷人

才人

高才生 後漢章帝紀其令羣儒選高才生受學

博學 附有貌無學

行秘書 國朝雜錄太宗嘗出幸有司請載書以行帝曰不須虞世南在此行秘書也

武庫 晉書杜預博學多通號武庫

書厨 南史陸澄傳澄讀易三年不解文義欲撰宋書  
竟不成王儉戲之曰陸公書厨也 以下博而無成

書簾 山堂肆考唐李善淹貫古今不能屬辭人號書  
簾

沒字碑 五代安叔于傳叔于狀貌堂堂而不通文字

時人謂之沒字碑又北夢瑣言號無字碑

以下有  
貌無學

麒麟核 朝野僉載楊炯每呼朝士爲麒麟核曰今弄

假麒麟者必脩飾其形覆之驢背及去皮還是驢

隱士

義皇上人 晉書陶潛嘗言高卧北窓清風颯至自謂

義皇上人



江湖散人 類書陸龜蒙性不喜與俗人交時乘一舟  
設篷席資一束書茶竈筆牀釣具權船郎而已謂之  
江湖散人

退士 宋史种放自稱退士

放人 三教會編文中子謂元亮放人

逋客 徵君 聘君 山堂肆考逋客避世之隱士也  
聘而不起者謂之徵君 一曰聘君

麋鹿臣 表異錄唐右補闕陸誇題名在茅山自稱麋  
鹿臣

幕賓

記室 續事始漢自官制諸王三公及大將軍幕府皆

有記室掌章表書記文檄按若今之幕賓是也

蒙師

門客 老學菴筆記秦會之有十客曹冠以教其孫爲  
門客又翰林亦名門客

猴孫王 山堂肆考秦檜微時爲童子師仰東脩自給  
故有詩云若得水田三百畝這番不作猴孫王

訟師

鄧思賢 輟耕錄嘗見人戲呼一譁訐者爲鄧思賢初  
不可曉後讀筆談始得其說云世傳江西人好訟有  
一書名鄧思賢者皆訟牒法也

農夫

芸夫 後漢陳寔傳論士有不談此者則芸夫牧豎已  
叫呼之矣

畚丁 元史博爾忽傳畚丁溪子按畚丁務農者也  
重民 管子輕民處而重民散註輕民謂爲盜者重民  
謂務農者

稼穡翁 孟郊元居士草堂詩木倦採樵子土勞稼穡  
翁

首陀 楞嚴經註西天貴賤族分四姓首陀農夫也

木匠

梓人 爾雅翼梓爲百木長古者名制器之工爲梓人  
手民 清異錄木匠總號運金之槌曰手民

虫術 夢溪筆談審方面勢覆量高深遠近算家謂之  
虫術虫字象形如繩木所用木斗也

泥匠

巧人

左傳巧人以時與館宮室又韓愈有巧者傳

獲人

漢書揚雄傳獲人亡則匠石斲斤而不能妄斲  
註獲拂拭也故謂塗者爲獲人

鐵匠

冶者

漢書董仲舒傳金之在鎔惟冶者之所治

密匠

陶人

旒人 周禮陶人爲甗又旒人爲簋按皆密器

也

甄者 漢書董仲舒傳泥之在鈞惟甄者之所爲

織匠

錦工 虞氏雜記錦工隸官錦坊卽織匠也

裱匠

裝潢匠 升菴外集唐六典有裝潢匠潢音光上聲謂  
裝成而以蠟潢紙也按卽今之裱匠畫史云裝標又  
云背標

磨鏡工

負局人 劉禹錫磨鏡篇門前負局人爲我一磨拭按  
列仙傳有負局先生因磨鏡出藥與人故云或作負  
局君

商賈

末民 漢書官富貴而末民困按末民逐商賈之業者也

毗舍 楞嚴經註西天貴賤族分四姓毗舍商賈也

鹽戶

亭戶 唐書食貨志游民業鹽者爲亭戶宋史謂之竈戶

鑛戶 宋史食貨志籍州民之有鹹土者爲鑛戶歲輸鹽於官謂之課鹽

販夫

經紀 輟耕錄今人以善能營生者爲經紀

趕趁人 武林舊事凡遊觀買賣有以輕撓趁逐求售者謂之趕趁人

牙人

儉駟 漢書註師古曰儉者合會二家交易者也駟者其首率也

大駟 後漢郭泰傳段干木晉國之大駟說文駟儉也互郎 劉貢父詩話今人謂駟儉爲牙郎本謂之互郎以其主互市事也

婦駟 表異錄米元章書史云每歲荒及節迫使老婦駟攜書畫出售婦駟卽今之牙婆也 牙婆

埠頭 韓愈孔戣墓誌舊船至泊步有下碇之稅字典

步通作埠，今人呼船僧爲埠頭。

船僧

諸工作頭

行老 東京夢華錄凡僱覓人力，幹當人酒食作匠之類，各有行老行音杭。

醫家

岐黃 帝王世紀黃帝命岐伯論經脈，旁通問難爲難經，按習其術者，故謂之岐黃。

難素學 金史方技傳張從正精於醫，貫串難素之學，按謂難經素問也。

術推 老學菴筆記，北人謂醫爲術推，不知何謂。

藥師 大寶積經譬如藥師持藥囊，自身病不能療治。



卜人

占官 書傳立卜占官故曰官占

卜正 左傳滕侯周之卜正也

日者 史記日者傳註古人占候卜筮通謂之日者

星家

疇人 史記疇人子弟分散註疇昔知星人也

天士 漢書言揲擗天士註李奇曰天士知天道者也

星翁 宋志歷法亦儒者所當討諉曰星翁歷生之責

可哉

歷翁 韓愈李虛中莫銘最深於五行書星官歷翁莫能與之較得失

叢辰家 正字通叢辰猶今之以五行生尅擇日也史  
日者傳叢辰家曰大凶

相士

巡官 老學菴筆記今北人謂卜相之士爲巡官巡官  
唐五代郡僚之名或謂其巡遊賣術故有此稱

樂工

諧臣 譚官 唐書樂工曰諧臣譚官

俳兒 優子 唐書郝處俊傳俳兒優子言詞無度非  
所以導仁義示雍和也

伶侏 集韻伶侏樂人

術術 篇海俗呼術術樂人也

郢人 夢溪筆談世稱善歌者曰郢人此乃因宋玉問  
曰客有歌於郢中者遂謂郢人

巫覡

司巫 說文能齋肅事鬼神者男曰覡女曰巫按周禮  
司巫掌羣巫之政令是巫爲總名男女可通稱也  
師娘 輟耕錄女巫曰師娘都下及江南謂男覡亦曰

師娘

瑤眊 表異錄巫覡號曰瑤眊見本草

廝乜 字典西夏語以巫爲廝乜見遼史

地師

墓工 韻府稟工相墓者見南史柳世隆傳

漁人

滂戶 逸雅王道兒至九江府編僉漁人謂之滂戶

釣師 鄭谷詩滄江負釣師

獵戶

獸臣 正字通虞人曰獸臣左傳獸臣司原政告僕夫

樵夫

莛豎 後漢儒林傳安帝覽政薄於藝文學舍類敝鞠

爲園蔬牧兒莛豎至於薪刈其下

莛子 唐書后妃傳雖芸夫莛子必親延見

捺子 宣室志僧契虛遇捺子導遊稚川仙府按捺子

樵人也

舟人

榜人 漢書司馬相如傳榜人歌聲流喝註張揖曰榜人船長也

黃頭郎 漢書鄧通以擢船爲黃頭郎註一說刺船之人皆黃帽取土勝水也故曰黃頭郎又揚萬里詩絕憐紅船黃帽郎綠裳青箬牽牙檣

楫濯士 漢書發楫濯士註師古曰主行船者短曰楫長曰濯字木從木

棹卒 後漢書註棹卒持棹行船也

長年 三者 入蜀記長年三者梢工是也杜甫詩長年三者遙憐汝振花開頭捷有神

大翁 輟耕錄川陝以篙手爲三老乃推一船之最尊

者言之因思海船中以司柁曰大翁是亦三老之意

艇子 庾闡揚都賦艇子搶風按吳楚謂帆上風曰搶

柁師 左思吳都賦篙工柁師選自閩禺

篙師 杜甫詩篙師暗理楫

棹郎 白居易詩靜聞樵子語遠聽棹郎聲

舫子 鄭谷詩舫子依紅樹漁歌破碧烟

水工 張籍詩水工持楫防暗灘

水手 蘇軾詩便合與官充水手此生何止畧知津

編郎 梅堯臣詩編郎唱鱗燕尾下

車夫

信人 詩命彼信人星言夙駕傳信人主駕者

僕夫 詩召彼僕夫謂之載矣

駕士 舊唐書于志寧傳近聞僕寺司馭爰及駕士獸

醫

輿丁 范成大詩懸崖被棧不可玩輿丁扶我如騰狙  
体夫 逸雅輻車之夫曰体夫体與笨同

富人

素侯 史記千金之家與王者同樂豈所謂素侯者耶  
素封 史記貨殖傳今有無祿秩之奉爵邑之人而樂  
與之比者命曰素封註素空也。

高訾人 後漢地理志徙吏二千石高訾富人於諸陵

註高訾言多財也

平民

刺草臣

儀禮凡自稱於君庶人則曰刺草之臣

草莽臣

孟子在野曰草莽之臣皆謂庶人

黔首

史記秦始皇紀更名民曰黔首註黔亦黎黑也

編人

後漢朱浮傳或乘牛車齊於編人按編人猶編

氓也

白衣

後漢崔駰傳憲諫以爲不宜與白衣會按白衣

猶言白身也

白徒

漢書驅白徒之衆註師古曰若今言白丁矣

散輩

表異錄王敬則初爲散輩使魏散輩謂衆人也



提陀 桂海巒志國朝開拓浸廣州縣洞五十餘所民  
稱提陀猶言百姓也

沙魂 江鄰幾雜志廛俗呼野人爲沙魂未詳其義士  
大夫頗道之

寒峻 正字通野人曰寒峻唐鄭光祿勳舉引寒峻士  
類多之

流民

雁戶 唐書編民有雁戶按謂流民也

譯士

舌人 周語韋昭註舌人能達異方之志象胥之官也  
象胥 通事 韻府羣玉周官謂之象胥或謂之譯俗

謂之通事

祝官

皂衣吏 國策願得補黑衣之闕註黑衣史祝之服漢  
谷永傳擢之皂衣之吏

衙役

刑人 易利用刑人蒙引刑人如今之皂隸是也以下皂隸  
伍伯 散從 山堂肆考伍當也伯道也使之引導當  
道陌中以驅除也今俗呼行杖人爲伍伯又散從今  
之外班皂隸是也

衙前 山堂肆考衙前今之內班門子

門子

儼人 通雅唐制大使副使皆有儼人正字通儼卽今

承差也

弩父

輜軒絕代語公卒謂之弩父言王擔弩因以爲

名也

公卒

書手

輟耕錄世稱鄉胥爲書手

里胥

巡卒

邏子

邏士 唐書康承訓傳遣邏子羸服覘賊又李

晟傳邏士得姚令言崔宣謀者

邏吏

江表傳劉備進駐樊口諸葛亮請吳未還備問

曹公軍下恐懼日遣邏吏於水次候權

邏人

李白詩邏人橫鳥道註邏人徼巡之人也

游徼

山堂肆考游徼邏卒也

驛夫

遞夫 燕翼貽謀錄前代郵置皆役民爲之建隆三年詔諸道州府以軍卒代百姓爲遞夫

遠人 表異錄遠人驛卒也出列子

馬夫

校人 圉人 周禮校人掌王六馬之屬又圉人掌養馬芻牧之事

象奴

象公 虞衡志牧象者謂之象奴又名象公

遊客

僑士 唐書錢徽傳穀城令王郢善接僑士遊客

蘭子 劉子宋有蘭子殷敬順曰史記無符傳出入謂之闕此蘭子謂以技安遊義與闕同

蕩子 古詩蕩子行不歸空牀難獨守

浪人 柳宗元李赤傳李赤江湖間浪人也

武健人

曳落河 唐書房琯傳琯自將平賊每曰彼曳落河雖多能當我劉秩乎又回鶻傳曳落河猶云健兒

冰兒 事文類聚李冰與江神鬪蜀人慕其氣決凡壯健者因名冰兒

強面人

木強人 漢書周昌傳贊昌木強人也証言其強質如

木石云

強團練 楓窓小牘臨安有諺語凡見人不下禮呼曰強團練余不知其所自來後得之長父云錢氏有國時以常州執其團練使趙仁澤以歸見土不拜王怒命以刀抉其口至耳丞相元德昭救解云此強團練宥之足以勸忠也故至今以爲美談

桀猾人

雜種 投甕隨筆今人之詈人桀猾不循理者曰雜種晉書前燕載記贊曰蠢茲雜種奕世彌昌雜種二字見此

痴愚人

關嬋 長箋關嬋浙省方言曰阿帶愚癡貌阿入聲帶  
平聲一曰阿猷

葵西濁蟲 正字通楊慎曰官有憤憤於臨事士有藐藐  
於臨文世目爲葵西濁蟲聲首斛

輕佻人

倣子 荀子鄉曲之倣子按倣謂輕薄小人也

驕諂人

夸毗子 阮籍詩如何夸毗子作色懷驕腸按小雅無  
爲夸毗註夸大也毗附也謂大言以夸之諛言以毗  
之也

邪惡人

潔惡民 漢書潔惡民貪降其趨註晉灼曰邪惡不正之民

鄙細人

鯁生 漢書沛公曰鯁生說我閉關無納諸侯註服虔曰鯁小人也

狹邪子 山堂肆考狹邪子巷居之人也古詩寄言狹邪子詎知隴道難

勤力人

力子 後漢樊仲華傳游子常苦貧力子天所富註力子勤力之子

能事人



僂羅兒 五代史劉銖傳諸君可謂僂羅兒按僂羅幹  
辦能事之稱

無用人

散人 莊子散人又惡知散木註不在可用之數  
陳人 莊子人而無道謂之陳人註謂廢爛無用之人  
也

下賤人

關茸 漢書註師古曰關茸下材不肖之人也

漢子 老學菴筆記今人謂賤丈夫曰漢子蓋始於五  
胡亂華時

田儻 山堂肆考南楚凡罵庸賤之人曰田儻

無賴人

惡少年 漢書發三輔及郡國惡少年吏有告劾亡者  
由遼東註師古曰惡少年謂無賴子弟也

賴子 荀子奪攘苟得無愧耻者謂之賴子

幫閑人

涉兒 夢梨錄有一等手作出入宅院趨奉郎君子弟  
幹辦雜事謂之涉兒

供筵人

白席人 東京夢華錄民間吉凶筵會自有托盤下請  
書安非坐次尊前執事歌說勸酒謂之白席人

賭博人

松子量 老學菴筆記市有以博戲取人財者每博必  
大勝號松子量不知何物語也

囊家 塵史世之糾率捕博者謂之囊家

種花人

花師 龍城錄洛人宋單父有種藝術呼爲花師

花太醫 清異錄蘇直善治花時人稱爲花太醫

游水人

扶身士 管子有扶身之士五萬人註扶身能游水人  
也

沒人 蘇軾日喻南方多沒人日與水居七歲而能涉  
十歲而能浮十五而能沒矣

傭工

甬 方言陳魏宋楚之間保庸謂之甬

客作 輟耕錄今人之指傭工者曰客作三國時已有此語焦光饑則出爲人客作飽食而已

流庸 表異錄昭帝紀民置於食流庸未盡還註謂去其本鄉而爲人庸作

閹人

門者 後漢孔融傳融造李膺門語門者曰我是李君通家子門者言之膺

門司 吳曾漫錄王旦及第山他門入謁守守驚曰門司未報君何抵此

閤吏 芝田錄唐崔蠡居東都里第有請謁於蠡者閤吏拒之公聞延入與語

門吏 后山詩話呂公歸老於洛嘗遊龍門還閤者執筆歷請官稱公題以詩云思山乘興看山回烏帽綸巾入帝臺門吏不須詢姓氏也曾三到鳳池來

謁者 丹鉛錄將命之人謂之謁者

守人 丹鉛錄守人守門之人

厨人

膳夫 膳宰 周禮膳夫掌王之食飲膳羞又國語膳宰監之

都養 漢書倪寬貧無資用爲弟子都養註師古曰主

給烹炊者也

炊子 錄子 表異錄曹公兵法謂主炊者爲炊子宋仁宗云吾屢顧不見錄子蓋指庖人也

行炙者 文士傳顧榮與同寮共飲見行炙者有異於常僕乃割炙以噉之

伊公 易氏 梁昭明太子七契伊公調和易氏燔爨按謂伊尹易牙也

饗子 杜甫觀打魚歌饗子左右揮霜刀

園丁

畦丁 杜甫詩畦丁負籠至按畦丁卽園丁也

強盜

輕民 管子註輕民謂爲盜者

盜竿 表異錄盜竿言盜之倡也竿者五音之長 盜首

偷兒

梁上君子 山堂肆考東海陳寔爲太邱長有盜夜入其室止於梁上寔命子孫訓之曰不善之人未必本惡習與性成如梁上君子是也

破落戶 咸淳臨安志行在號破落戶者巧於通衢竊取人物

偷長 表異錄賊魁曰偷長出張敞傳 賊首

叛黨

反側子 後漢光武紀使反側子自安按謂叛黨也

穩婆

老娘 輟耕錄世謂穩婆曰老娘

乳醫 癸辛雜識全霖卿之妻史氏誕子先出雙足乳醫推上之按曰推上之其爲穩婆無疑非醫產科者也

踏逐娘 武林舊事宮中有娠令踏逐老娘按卽穩婆也

倡妓

薰服 賈子從薰服之樂按薰服謂妓女也

錢樹子 明皇雜錄許子和倡家女能變新聲臨卒謂其母曰阿母錢樹子倒矣

事物異名錄

卷九

三



鳳窠羣女 團雲隊 曳雲仙 雲仙雜記姑臧太守

張憲號諸妓曰鳳窠羣女又曰團雲隊曳雲仙

前頭人 山堂肆考妓女入宜春院謂之內人亦曰前

頭人其家在教坊謂之內家

錄事 老學菴筆記東都見妓稱錄事猶存唐舊前輩

謂妓曰酒糾蓋謂錄事也相藍之東有錄事巷爲朱

梁時名妓崔小紅所居

官奴 輟耕錄今以妓爲官奴卽官婢也

花娘 草娘 輟耕錄娼婦曰花娘達旦又謂曰草娘

水仙子 武林舊事西湖遊觀有歌妓舞鬢嚴粧日銜

以待招呼者謂之水仙子

婊子 字典俗呼倡家爲婊子

老鴛 鴛兒 庶物異名疏陸佃云鴛性最淫逢鳥則

與之交今俗呼倡母曰老鴛曰鴛兒取此 倡母

嫖嫖 字典倡妓呼游瑁曰嫖嫖 妓瑁

嫖毒 字典嫖毒秦人以淫坐誅故世罵淫曰嫖毒嫖

毒音勞藹 注人

廝波 夢梁錄一等專爲探聽妓家賓客以獻香送歡

爲由謂之廝波 以下妓家廝養人

廟客 北里志多有游惰者於三曲中爲諸倡所奉養

號爲廟客

事物異名錄卷十

慈谿 厲靜菴先生荃 原輯

仁和 關晉軒先生槐 增纂

禮制部

祭天 以下吉禮

大旅 周禮掌次王大旅上帝註祭於鬲邱國有故而祭亦曰旅

燔柴 爾雅祭天曰燔柴疏祭天之禮積柴以實牲體玉帛而燔之使烟氣之臭上達於天因名祭天曰燔柴

升中 禮記升中於天註中成也燔柴祭天告以諸侯

之成也

祭地

瘞埋 爾雅祭地曰瘞埋疏祭神州地祇於北郊瘞繒埋牲因名祭地曰瘞埋

祭山

旅平 書傳祭山曰旅平

度懸 爾雅祭山曰度懸疏度謂埋藏之大宗伯鄭註云祭山林曰埋是也懸謂懸其牲幣於山林中因名祭山曰度懸郭云或廢或懸置之於山是也

祭川

浮沉 爾雅祭川曰浮沉註投祭水中或浮或沉也

祭日

王宮

禮記王宮祭日也

祭月

夜明

禮記夜明祭月也

祭星

幽宗

禮記幽宗祭星也

布

爾雅祭星曰布疏布散於地似星布列也

祭水旱

雩宗

祭

禮記雩宗祭水旱也又說文禱雨爲雩禱

晴爲祭

升

公羊傳疏患其雨多祭使上升故祭雨曰升

祭風

磔 爾雅祭風曰磔疏磔謂披磔牲體象風之散物因  
名云

祭先師

釋奠 山堂肆考學宮時祭乃用釋奠奠置也言置牲  
幣之奠於先聖先師之廟也

時祭

祠 禘 嘗 烝 爾雅春祭曰祠夏祭曰禘秋祭曰  
嘗冬祭曰烝疏此四時之祭名也祠之言食禘新菜  
可灼嘗嘗新穀烝進品物也皆周禮也

釋祭

彤 復胙 爾雅釋又祭也周曰釋商曰彤夏曰復胙  
詩祭之明日尋釋復祭也

道祭

祖 說文道上之祭爲祖又鼻名

輶 正字通輶將行祭道神也周禮犯輶註山行曰輶  
犯者封土爲山象以菩芻棘栢爲神主旣祭以車轍  
之而去喻無險難也

野祭

破散 五代會要奉先之禮無寒食野祭之儀近代莊  
宗每年寒食出祭謂之破散

臘祭

獬廌 漢書音義獬廌以立秋日祭獸王者亦以此日獵  
獸祭宗廟故曰獬廌一作獬劉又冀州北方八月作  
飲食爲廌其俗曰廌臘

雜祭

祓 禴 說文除惡之祭爲祓會福之祭爲禴

除日送神

埋祟 夢梁錄除夕禁中呈大驅傩儀自禁中動鼓吹  
驅出東華門外謂之埋祟

糝盆 月令通考除日送舊神焚松柴謂之糝盆

鼎

鼯 鼯 鉞 鬲 爾雅鼎絕大謂之鼯鬲奄上謂之



鼎附耳外謂之鈇。鈇足者謂之鬲。疏此別鼎名也。鼎最大者名鬲。禮圖斂上而小口者名鬲。附耳在鼎表者名鈇。欵澗也。謂鼎足相去踈澗者名鬲。

簋

將鼎彝。博古圖太師望簋銘曰：望作將鼎彝。謂之將鼎者，鼎訓煮熟食。簋盛黍稷，惟熟然後可食也。

俎

大房。詩箋：豆大房，箋大房玉飾俎也。

卣

中尊。爾雅：卣中尊也。

崩亡 以下凶禮

殂落

書帝乃殂落註死也魂氣歸于天故曰殂體魄

降于地故曰落 以下天子

晏駕

漢書宮車晏駕註天子當晨起方崩而稱晏駕

者臣子之心猶謂宮車晚出也

大行

風俗通皇帝新崩未有定名故總其名曰大行

皇帝

上仙

澠水燕談錄真宗上仙莊獻攀慕號切

賓天

上賓 齊東野語度宗賓天又東坡志林何述

言吾在儻耳 日忽失所在徇道服在耳蓋上賓也

按上賓猶賓天也亦可通稱

升遐 琴辛雜識度宗升遐賈相持喪起復辭免虛文

汨汨殆無虛日

厭代 表異錄通鑑憲宗厭代之夕厭代猶云上昇也

本用莊子厭世語以文皇諱故云代

登霞 楚辭載營魄而登霞兮註霞與遐同猶云遠適

爾

捐館 史記奉陽君捐館舍按顯仕者死曰捐館 仕人

不祿 禮記士死曰不祿 士人

反素 後漢書夫亡者反素復始歸於無端 以下泛稱

大疇 字典俗語謂死曰大疇

捐瘠 字典病死曰捐瘠 病死

鮮 左傳葬鮮者自西門註不以壽終曰鮮 惡死

死別

承訣 正字通將卒與親知辭別曰承訣杜甫詩不忍便承訣

遺命

真冷 表異錄真冷遺命也莊子山木篇舜之將死真冷禹曰戒之哉註冷曉也謂以真道曉語禹也

送死

易簣 禮記曾子曰元起易簣反席未安而沒

屬纊 禮記男女改服屬纊註纊綿也屬之口鼻觀其動否以驗氣之有無也

居喪

宅憂 書王宅憂按謂居喪也

讀禮 禮記居喪未葬讀喪禮既葬讀祭禮

子寧 山堂肆考父母亡子寧三年謂處家持喪三年也

苦壤 陳書姚察傳察志在終喪頗有陳讓其畧曰臣將畢志苦壤豈期朝恩曲覃 居喪所

棘人 詩棘人樂樂兮 居喪自稱

覆面巾

面衣 正字通吳王夫差死羞見子胥以巾覆面今人謂之面衣

棺

柩 禮記君卽位爲柩歲一漆之藏焉表異錄棺之親身者爲柩

櫬 柩 小爾雅空棺謂之櫬有尸謂之柩

壽器 漢書梁商薨帝賜以東園壽器

梓器 後漢楊賜傳賜薨贈東園梓器按梓器卽壽器也又名梓宮

題湊 正字通題湊漢梓宮註蘇林曰以栢木黃心致累棺外木頭皆內向故曰題湊

永息菴 清異錄右補闕正己致仕預製棺題曰永息菴

漆宅 漆宮 清異錄余嘗臨外氏喪見漆工髹裏凶

器曰隨身富貴只贏得一座漆宅又蘇禹珪幾何登  
撰板文曰漆宮永闕沙府告成

樁積 漢書成帝紀民爲水所流壓死不能自葬令郡  
國給樁積埋葬註小棺也 小棺

和 表異錄戰國臧引王季犇湖山之尾藥水齧其墓  
見棺前和今人呼棺前後爲和本此 棺前後

結發

楮鏡 太平興國寶記楮鏡朝飛萬鬼往來於野渡

泉臺上寶 冥游亞寶 清異錄世宗發引之日楮錢

大若盞日雕字文之黃日泉臺上寶白日冥游亞寶

魂衣

上天衣 酉陽雜俎亡人坐上作魂衣謂之上天衣又

裝鬼衣也

冥從

芻靈 禮記塗車芻靈自古有之註束草爲人形以爲

死者之從中古爲木偶人謂之俑今則以紙爲之

脫空 清異錄長安喪葬陳拽寓象其表以綾銷金銀

者曰大脫空格外設色者曰小脫空

翼

方扇 說文翼卽方扇是也

挽歌



虞殯 左傳公孫夏命其徒歌虞殯註虞殯送葬歌曲

緇謳 莊子緇謳所生必於斤苦按緇謳卽挽歌也

薤露 蒿里 搜神記挽歌有薤露蒿里二歌

哀些 戴叔倫賈誼詩空有哀些弔沅湘按宋玉招魂語末皆曰些故挽歌曰哀些

墳墓

宰 公羊傳宰上之木拱矣註宰冢也

塋域 禮記檀弓註墓塋域也

壽藏 漢書註壽藏謂冢墓也稱壽者取其久遠之意

壘 方言秦晉之間冢謂之壘

塋 塋 博雅塋塋冢也方言秦晉謂冢曰塋

佳城 博物志漢滕公薨東都門外地下得石有銘曰

佳城鬱鬱二千年見白石吁嗟滕公居此室遂葬焉

永宅 山堂肆考傳脩期欲耐葬於祖墓遂買左右地

數畝勅子叔偉曰此吾之永宅也

復真堂 山堂肆考唐姚崇孫勛自爲壽藏於萬安山

麓兆曰寂居穴墳曰復真堂

斥上 謝華啟秀斥上曠墓也見漢書

琴城 字典琴城冢名水經注楚人謂冢爲琴

榛闢 藝文榛闢向蕪密按榛闢謂墓也

土饅頭 韻府羣玉范石湖詩縱有千年鐵門限終須

一箇土饅頭謂墳也

陵 楊慎外集國語管仲曰定民之居成民之事陵爲之終是民之墓亦稱陵也周顯王三十四年趙起壽陵秦惠文王以後始稱陵而民不得稱

臺 字彙補古謂陵墓爲臺如鄴都之三臺是也

窀穸 左傳惟是春秋窀穸之事註窀厚也穸夜也謂穴中厚暗如長夜也 以下墓穴

宅兆 孝經卜其宅兆而安厝之按窀穸爲宅兆

幽壤 晉書禮志徐廣議四府君當歆率土之祭若埋之於幽壤於情理未必咸盡

泉壤 晉書謝元傳不令敬臣含恨泉壤

夜室 述異記闔廬墓中石銘曰吳王之夜室也又蘇

軾贈章居士詩願求不毛田親築長夜室

歸真室 述異記盧府君墓在館陶縣銘曰歸真之室  
方中 表異錄張湯調茂陵尉治方中註天子卽位豫  
作陵古者謂掘地爲坑曰方中

滕室 張九齡王府君墓誌銘今如防墓開此滕室  
千歲室 朱子詩柩下竟開千歲室

魂樓 清異錄葬處土封謂之魂樓 墓封

羨門 西京雜記羨門蓋冢中之門 以下墓門

蘇門 松門 唐詩空見蘇門青按謂墓門也 一曰松  
門

神道 後漢中山王傳墓門前開道建石柱爲梁乃謂

之神道 墓道

華表 和表 桓表 禮記註桓墓前表柱也說文桓

亭郵表也丹鉛錄華表漢書註作和表字林作桓表  
墓表

祭臺

券臺 土筵席 清異錄墓前甃石若甌表之面方長  
高不登三尺號曰券臺貧無力則每祭祀以藉尊俎  
謂之土筵席

諡

易名 禮記公叔文子卒其子請所以易其名者按謂  
諡也

臨朝以下賓禮

排仗 王建詩直到銀臺排仗合聖人三殿對西番

常參 入閣 五代史李琪傳唐故事天子日御殿見

羣臣曰常參不臨前殿則御便殿見羣臣曰入閣

放衙 正字通官寺日再視事謂之放衙 附官視事

朝正

元會 通典元日慶會謂之元會

傳生 法苑珠林唐長安風俗元日以後遞相邀飲賀

節謂之傳生酒又錢希白南部新書謂之傳座

附長禮

儀衛

鹵簿 事物紀原炙轂子曰車駕有羽儀導護謂之鹵

簿函楯也所以扞敵部伍之次皆着之簿故言函簿  
立門仗 唐書儀衛志坐日內外諸門以排道人帶刀  
捉仗而立號曰立門仗

習儀

綿蕞 漢書叔孫通爲綿蕞註應劭曰立竹及茅索營  
之習禮儀其中也

旗

毛羽幢 漢書高帝紀左蘇註李斐曰蘇毛羽幢也

羽葆 漢書韓延壽傳植羽葆註羽葆聚翟尾爲之亦  
今蘇之類也

雞翅 漢書輿服志鷩旂曰雞翅編羽旄列繫幢旁

徽幟 漢書王莽傳殊徽幟註徽幟通謂旌旗之屬

雲罕 庶物異名疏雲罕大旗也

牙幢 演繁露黃帝作五采牙幢按牙幢旗也

愁眉錦 清異錄蜀王建軍中隱語旂曰愁眉錦

彩虹 楚辭建彩虹以標搖按謂旗也

洪頤 揚雄甘泉賦舉洪頤註服虔曰洪頤旗名

雲梢 潘岳西征賦曳雲梢註謂旌旗之飛如雲也

旂弓 劉琨詩旂弓駢駢註旂弓旌也

肥胡 庶物異名疏肥胡幡名見國語按幡亦旗屬

麾 庶物異名疏戲大將之旗也顏師古曰漢史通以

戲爲麾



鄧偁 揚雄甘泉賦夫何旃旒鄧偁之旃旒也按鄧偁  
謂竿也 旃竿

碧紛 唐六典旗之旒曰碧紛

旗旒

翠華 山堂肆考翠華天子旗蓋也

旗蓋

繳

幘輓蓋 中華古今注武王伐紂大風折蓋太公因制  
曲蓋焉漢朝乘輿用之謂之幘輓蓋

扇箴 玉海緋羅繡曲蓋並內臣馬上執之謂之扇箴  
華芝 華覆 揚雄甘泉賦翳華芝又昭華覆之威威  
按華芝華覆皆謂蓋也

掌扇

障扇 演繁露今人呼乘輿所用扇爲掌扇殊無義蓋障扇之訛也

障翳 留青日札掌扇漢名障翳

擁身扇 續漢書梁冀作擁身扇按卽障扇也

朱團扇 宋朝會要朱團扇本漢時長柄扇宋孝武時詔王侯障扇不得用雉尾故王公以下有朱團扇

長柄手搨

骨朶 朱赫 正字通骨朶宿衛人所執以骨飾之或範銅爲之卽長柄手搨之類徐知訓在廣陵作朱柄骨朶曰朱赫

長摠

金吾 演繁露金吾者以金飾其兩末也今管軍官入朝所執之杖皆金鉞其末也按漢有執金吾官蓋執此以巡察非常卽今提督九門之屬

皮鞭

鳴鞭 宋會要鳴鞭本周禮條狼氏執鞭趨避之遺法按今俗呼皮鞭者是

馬杌子

駕頭 陸游筆記駕頭舊以一老宦者抱繡裹杌子於馬上今乃代以閣門官按駕頭古惟天子出幸則有之今官長出行有所謂馬杌子者蓋卽駕頭遺意

圭

曜鍊 江鄰幾雜志契丹謂圭爲曜鍊

笏

手板 說文笏手板也

魚須 表異錄徐師川詩早棄魚須伴我眠魚須笏也

見禮記

琛板 書敘指南玉笏曰琛板見劉義恭啟

徵兵書以下軍禮

羽檄 輟耕錄檄徵兵之書也漢高祖以羽檄徵天下

兵有急則挿以羽

視兵

大閱 周禮大司馬仲冬教大閱託簡車馬也

師祭

類 禡 爾雅是類是禡師祭也疏用師出征之祭王制云天子將出征類乎上帝禡於所征之地是也祭天而謂之類者尙書夏侯歐陽說以事類祭之也禡祭造兵爲軍法者爲表以祭之周禮作貉

出征

敵愾 左傳敵王所愾按愾怒也征不順者曰敵愾

先鋒

前茅 左傳前茅慮無註謂軍行前有斥候踞伏皆持以絳及白爲幡見騎賊舉絳幡見步賊舉白幡備慮有無也

前驅 詩爲王前驅又正字通軍前鋒曰前驅次前曰

中驅

左右翼

啟肱 左傳狼筵疏爲右肱註軍左翼曰啟右翼曰肱  
兩甄 表異錄兩甄軍中兩翼也左傳曰左右拒

軍士

柘羯 唐書西域傳募勇健者爲柘羯猶中國言戰士  
也

噲伍 宋史俞玠傳一戎卽戎卽指之爲羸人斥之爲

噲伍按史記韓信曰生乃與噲等爲伍故曰噲伍

赤老 雜志都下目軍人爲赤老緣尺籍得名

親隨軍

北肖崑 雲麓漫抄親隨軍謂之背崑北人呼酒瓶爲崑  
大將酒瓶必令親信人負之故用以名

軍門

壘門 詩東有甫草疏軍門曰和今謂之壘門

星門 山堂肆考軍門曰星門唐詩星門列五戎

屯守

環龜 司馬法兼舍環龜註兼舍者晝夜行也四面屯  
守謂之環龜

羅闌 正字通軍行去壘五十步以羅爲闌周軍之前  
後左右彌弩環之曰羅闌

行夜

干揆 左傳陪臣干揆有淫者註干揆行夜言行夜得

淫人

走馬

躡柳 文昌雜錄軍中以端午走馬謂之躡柳

攻城土山

距堙 書甲戌我惟築疏兵法攻城築土爲山以窺望

城內謂之距堙

偵諜

游偵 細作 杜預左傳註諜者曰游偵謂之細作亦

謂之間諜



候訶 唐書李悅傳祿山度河號令嚴密候訶不能知  
按漢書註西方人以反間爲訶師古曰訶有所訶候  
也

犯令

奸旗鼓 山堂肆考軍士犯將令者謂之奸旗鼓左傳  
臣奸旗鼓不敏于君之行前不敢逃刑

求和

行成 左傳吳王夫差敗越于夫椒遂入越越子使大  
夫種因吳太宰嚭以行成

獲囚

俘馘 左傳鄭公子歸生受命於楚伐宋宋師敗績囚

華元獲樂呂俘二百五十人馘百人按馘截耳者總名爲俘

捷書

露布 聞見記露布捷書之別名也諸軍破賊則以帛書建諸竿上兵部謂之露布亦謂之露板魏武奏事云有警急輒露板挿羽是也

驛傳

使駭 唐會要驛傳曰使駭

飛鳥使 表異錄吐蕃陷麟州虜將徐舍人會飛鳥使至召其軍還飛鳥使猶傳騎也

舉烽

平安火 山堂肆考報捷之烽火曰平安火

班師

奏凱 周禮大司樂王師大獻則令奏凱樂

振旅 左傳出而治兵入而振旅

飲至 山堂肆考古者治兵振旅而歸則告於宗廟而因飲酒以數車徒器械及所獲也故曰飲至

婚姻 以下嘉禮

陰禮 周禮大司徒之職以陰禮教親註陰禮婚姻之禮

造舟禮 晉書后妃傳序哲王垂憲尤重造舟之禮

媒氏

冰人 晉書索統傳令狐策夢立冰上與冰下人語統曰冰上爲陽冰下爲陰爲陽語陰媒介事也君當爲人作媒按今稱媒爲冰人本此

月老 續幽怪錄韋固遇老人向月檢書固問曰君何主曰主天下之婚姻耳

伐柯人 夢梁錄伐柯人兩家通報擇日過帖各以色綵襯盤安定帖然後相親

蹇修 離騷吾令蹇修以爲理註蹇修古之賢媒

擇婿

相攸 詩爲韓姑相攸莫如韓樂按攸所也相其可嫁之所也今人擇婿謂之相攸本此

求親

卜鳳 左傳懿仲卜妻敬仲曰鳳凰于飛和鳴鏘鏘  
求凰 司馬相如琴心挑文君曰鳳兮鳳兮歸故鄉遊  
遊四海求其凰

索婦 老學菴筆記今人謂娶婦爲索婦古語也孫權  
欲爲子索關公女袁術欲爲子索呂布女皆見三國  
志

定親

繫臂 侯鯖錄晉武帝選女子有姿色者以緋綵繫其  
臂今定親之家亦有云繫臂者

挿釵 東京夢華錄若相媳婦卽男家親人或婆往女

家看中卽以釵子挿冠中謂之挿釵子

吃茶 七修類藁種茶下子不可移植移植則不復生也故女子受聘謂之吃茶

下茶 茶疏古人結婚必以茶爲禮取其不移植子之意也今人猶名其禮曰下茶

加笄

上頭 輟耕錄今世稱女子之笄曰上頭

合婚

合好 禮記昏禮者將合二姓之好

合卺 禮記合卺而醑註以一瓢分爲兩瓢謂之合卺

與婦各執一片以醑

合髻 夢梁錄新人男左女右結髮名曰合髻

傳席 輟耕錄今人家娶婦輿轎迎至大門則傳席以入弗令履地然唐人已爾樂天春深娶婦家詩云青  
衣轉氍毹錦繡一條斜

撤帳 事物原始撤帳始於漢武帝李夫人初至帝迎  
入帳中共坐歡飲之後須臾宮人遙撒花果帝與夫  
人以衣裾盛之云得多得子多也

三朝送食

餽女 邵氏聞見錄女嫁三日餉食爲餽女

反母家

歸寧 來歸 詩疏歸寧者有時而反歸不復來謂之

太歸又穀梁傳婦人謂嫁曰歸反曰來歸

改嫁

更行 南史徐孝嗣傳父被害孝嗣在孕母年少欲更行按更行謂改嫁也

懷孕

任身 山堂肆考任身謂懷孕也

生產

免乳 漢書外戚傳婦人免乳大故十死一生註免乳謂產子也

坐蓐 貴耳集鶴山先生母方坐蓐其先公夢有人朝服入卧内按坐蓐謂生產也



免身 山堂肆考免身謂產子也

弄璋 弄瓦 詩乃生男子載弄之璋又乃生女子載

弄之瓦 生男女

三朝

湯餅會 山堂肆考生子三朝會曰湯餅會

滿月

洗兒會 夢梁錄生子滿月外家以金銀雜果食物送  
其家大展洗兒會煎香湯於銀盆內下洗兒果用色  
綵繞盆謂之圍盆紅

周歲

試兒 顏氏家訓江南風俗兒生一期爲製新衣並加

事物異名錄

卷十

十

飲食之物及珍寶物玩置之兒前觀其所取以驗其真  
廉愚智名之爲試兒

醉盤 類書周歲陳設曰醉盤醉音醉周年子生一歲  
也